



Universitätsbibliothek Paderborn

Asiaticae Historiae Societatis Iesv Pars ...

Libris Qvatvor Conseqventibvs Pertexens, Quae post beatum S. Xauerij
Obitum Soc. Patres ad Dei gloriam in iisdem Prouinciis gessere

Bartoli, Daniello

Lvgdvni, 1667

51. Archiespiscopo Goano, baptismi solennia vetante, cessa[n]t,
conuersiones ethnicorum.

urn:nbn:de:hbz:466:1-11445

ei⁹ impulsus arcano spiritu, prope incios rapiente ad amandum quod primum oderant, & quod horruerant expetendum. Quapropter etiam erat apud illos magno in honore Societas, rogabantque quis esset (vti nominabant) Magnus Pater à quo fuerat instituta, inflammataque capacibus studis ad orbem alterum, & gentes ignotas donis cœlestibus ditandas, idque vno, cui seruiebant diuinæ gloriæ pretio. Atque hinc illud prodigiosus ab infanis Saxorum adoratoribus, hanc sacræ fidei propagationem bene & magnificè acceptam, ab Christianis misere laceratam, nec iis quibuslibet, sed quos maximè obstringebat ad eam iuuandam officij ratio, nedum à quibus minime omnium impedimenta metui oporteret.

Goam applicuerat Gaspar Indiarum Archiepiscopus, anno post se-
quimillesimum sexagesimo desinente: adiere ad illum salutandum
Æthiopæ Patriarcha, & Episcopus Niceæ uterque de Societate cum
primariis octo Collegij Patribus, at is primo accessu, & affatu, profer-
re se valde à nobis alienum, queri statim, apud nos illum interisse pri-
mætæ humilitatis nostræ florem quæ Societatem in Lusitaniam, & In-
dias tulerat; argumento dare, in Lusitania fundatam à Principe Hen-
rico Vniuersitatem Eborensem, nobisque commissam, quod ipse iudi-
caberat, modestè ab Societate declinandum fuisse: de Indiis tunc quidem
silere; postmodum vero erumpere acrius, alia occasione; & quam vo-
luisset intelligi, demissionis iacturam apertius edere, nempe illos ba-
ptismi celebrandi ornatus tam splendidos, tantum numerum cathe-
cumenorum, tot symphoniacos, concursus populi ad spectandum tan-
tos, Proregis demum præsentiam: ad hæc nobis deinceps, solennibus
iis interdicere, quæ sui esse iuris, non nostri asserebat: quod autē fouendæ,
& agendæ nouorum Christianorum pietati, ædes sacras nostri permultas
posuerant, illas sibi pro suis addictas voluit, nostrorum præfeturam illic
degentium sibi velut prælato, etiam aiebat, religiosorum arrogavit: ad
festas illas quod attinet celebritates lustrandorum, quas tantopere no-
lebat à nobis instrui, facile vt decuit optemperatum est; sed cum ne-
que ab ipso, nec à nobis instituerentur, id consecutum est vt conuer-
tiones ethnicorum antea numerosæ, prope nullæ iam essent. Quippe
sancto ardori vni cuiilibet subdendo, mirum quantum valuerat subie-
ctus oculis plurimorum conspectus, qui mutua æmulatione diuina simul
disciebant mysteria, simul iis cum plausu initiantur. Ac nobiles qui-
dem infideles, præter illicia, quibus possint honestè piéque concuti,
vehementer mouebat cum Brachmanem cernerent vel Iogum (genus si
quod aliud usquam superbum & insolens) qui pridie nudipes, & pu-
tris lintei laciniis vilibus inuolutis per urbem ambularat; hodie purpu-
ra & serico insignem, torque fulgentem aureo, & in equo sublimem à
Prorege accepto, cum eodem Prorege pari fronte Goa spectante pro-
cedere, obseruari, colique ab nobilitate Lusitana, hoc solum nomine
quod heri ethnicus, hodie Christianus: eandem in plebe infima vim

E e 3 - obtinue.

51.
Archiepis-
copo Go-
ano, baptismi
solennia ve-
tante,cessat,
conuer-
tiones ethni-
corum.

obtinuerant piæ quas diximus publici honoris illecebræ , quæ priusquam in more ponerentur , videbatur sibi gens rudis & barbara vilior fieri , cum incipiebat else Christiana. Cœterum non tulit Dei benignitas tantum gloriæ suæ detrimentum , & sterilitatem animarum quæ olim millenæ , tunc ægrè denis plures renascebantur in longum produci. Peruecto in aulam de iussi Archiepiscopi nuncio , sua rebus facies rediit. Appulere anno 1563. rescripta Sebastiani Regis , & Henrici Cardinalis : iussa restitui baptizandorum solennia , & nostrorum diligentia , nisi abnuerent committi ; Brachmanes , & quiuis ethnici , conuersionum interturbandarum suspecti ex omni regia ditione coacti facesse. Quibus expellendis , ipsemet Archiepiscopus gnauiter institut & inhibitionis parum auspicatæ quam sibi emptus à Brachmanis quorundam fauor abstulerat , visus est velle notam eluere : quas enim Mauris & Brachmanibus extrudendis difficultatum moles auaritia quorundam obiecerat , fortiter irrupit. Repetere ministeria intercepta Patres , sparsique latè regionem Euangeli semine infuderunt , cui tam beneficos influxus immisit Deus , vt diebus viginti , messem referrent trecentorum viginti nouem cathecumenorum , qui Prorege pompam decorante cum flore nobilitatis Lusitanæ , omni magnificentia veteris ornatu illustrati sunt , plaudente populo Proregis Constantini pia tempora redisse , tenuitque mos idem deinceps , auctiore semper animarum prouentu. Sed tunc potissimum cum Vrbi Præfectus Lopes Vazius Secheira , & P. Franciscus Rodriguez , Sebastiani Regis Epistolam Goana omni ditione oppidatim , & pagatim claro præconio promulgatunt , qua sibi subiectos infidelium populos ad agnitionem veri Dei hortabatur , & professionem legis Christianæ.

52.
Missiones
militares
PP. Goano-
rum.

Descriptos haec tenus Goani Collegij labores , clausit illius Provinciæ ambitus ; excursionibus hic locus , quibus ijdem Patres longinqua peragrarunt. Harum prima occurrit militaris ; cùm eductis in bellum copiis anno 1557. Idalcanus potentissimus regum continentis fœdus Lusitanis & fidem fregit , inde fines Canaræ prædari ; Goæ aditus omnes præcludere , intercipere commeatus mercium & annonæ , ne qua opem ad vitam , vel ad potentiam opes acciperet , arctari vero vrbs referta ciuibus , magnis angustiis , & pessum itura , nisi arma statim mouisset Prorex Franciscus Barretus , conscripto milite Lusitano ad tria millia ; eductorū exercitum prius in S. Paulitemplum cum turmarum ducibus ad nos venit , vbi Deum precatus , in summum altaris concendit gradum , & positis genibus solennem poposcit Patriarchæ adprecationem , eaque cum omni exercitu impertitus , nec satis pietati suæ , nec susceptæ expeditioni consultum credidit , nisi duos e nostris ad eam comites sibi asumeret. Leeti ad hoc duo Sacerdotes , ardens vterque actuosa , & minimè trepida pietate , Petrus Almeida , & Ioannes Meschita : hic Pondam usque ab ingressu in fines Idalcani primis ordinibus præibat equitans , & Christi de cruce effigiem lancea præferens ; vt configendum

cum

